

Tùi Hái Lâi ê Béngsiù

13 Góa koh khòaⁿkìⁿ chit chiah béngsiù tùi hái nîh khîlâi; i ù cháp ki kak, chhitê thâu, ták ki kak lóng ù tì chit téng koanbián, chhitê thâu téng lóng ù siattók SiōngChú ê miâhō. ² Góa só khòaⁿkìⁿ ê hit chiah béngsiù chhinchhiūⁿ pà; i ê kha chhinchhiūⁿ hîm ê kha, chhùi chhinchhiūⁿ sai ê chhùi. Hit bóa lêng kā i ê châilêng, chōūi kah tōa koânphèng lóng hō hit chiah béngsiù. ³ Hit chiah béngsiù ê chitê thâu, ná chhinchhiūⁿ bat siūkòe òimiāsióng, m̄ koh hitê òimiāsióng ù tit tiòh i hó. Choân sèkài ê lêng lóng kámkak chin kiaⁿkî, tòh lâi kintòe hit chiah béngsiù. ⁴ Chènglâng kèngpài hit bóa lêng, inūi lêng kā koânphèng sù hō béngsiù; in mā pài hit chiah béngsiù, kóng, “Siáⁿ lêng ē tàng kah chit chiah béngsiù sio pípēng? Siáⁿ lêng ē tàng kah i kauchiàn?”

⁵ Hit chiah béngsiù ù tit tiòh chitê kóng tōaōe kah siattók ê ōe ê chhùi, koh tit tiòh ínchún, ē tàng tī sìcháp jī goéhjit tiongkan sūi chò chiahê tãichì. ⁶ I tòh khuichhùi kóng chhut siattók SiōngChú ê ōe, siattók l ê miâ kah l ê hōebō, íkíp hiahê tiàm tī thiⁿténg ê. ⁷ I mā ù tit tiòh ínchún, thang kah sèngtō kauchiàn, koh iâⁿkòe in; i koh ù tit tiòh koânphèng, thang tīlí tákê chiphài, tákê bínchók, kóng ták chióng gígiân ê lêng kah tákê pangkok. ⁸ Sōū tōa tī tē chiūⁿ ê lêng, kiànnā chhòngsè ílâi miâ bô kì tī pī sathāi ê lúⁿko ê sèⁿmiā chheh ê, lóng ē pài hit chiah béngsiù.

⁹ Kiànnā ù hīⁿkhang ê lêng lóng tiòh thiaⁿ!

¹⁰ Hiahê chùtiāⁿ siū liáh ê lêng, lóng ittēng ē hō lêng liáh khì;

hiahê chùtiāⁿ siū sathāi ê lêng, mā ittēng ē hō to thâi sí.

Inūi áne, sōū ê sèngtō lóng tiòh ù nāisim kah sìnsim.

Tùi Hái Lâi ê Béngsiù

13 我 koh 看見一隻猛獸 tùi 海裡起來；牠有十支角，七个頭，ták 支角 lóng 有戴一頂冠冕，七个頭頂 lóng 有褻瀆上主 ê 名號。 ² 我所看見 ê hit 隻猛獸親像豹；牠 ê 腳親像熊 ê 腳，嘴親像獅 ê 嘴。Hit 尾龍 kā 牠 ê 才能、座位 kah 大權柄 lóng hō hit 隻猛獸。 ³ Hit 隻猛獸 ê 一个頭，ná 親像 bat 受過致命傷，m̄ koh hitê 致命傷有得 tiòh 醫好。全世界 ê 人 lóng 感覺真驚奇，tòh 來跟 tòe hit 隻猛獸。 ⁴ 眾人敬拜 hit 尾龍，因為龍 kā 權柄賜 hō 猛獸；in mā 拜 hit 隻猛獸，講：「啥人 ē tàng kah chit 隻猛獸相比並？啥人 ē tàng kah 牠交戰？」

⁵ Hit 隻猛獸有得 tiòh 一个講大話 kah 褻瀆 ê 話 ê 嘴，koh 得 tiòh 允准，ē tàng tī 四十二月日中間隨意做 chiahê tãichì。 ⁶ 牠 tòh 開嘴講出褻瀆上主 ê 話，褻瀆祂 ê 名 kah 祂 ê 會幕，以及 hiahê tiàm tī 天頂 ê。 ⁷ 牠 mā 有得 tiòh 允准，thang kah 聖徒交戰，koh 贏過 in；牠 koh 有得 tiòh 權柄，thang 治理 ták 个支派、ták 个民族、講 ták 種語言 ê 人 kah ták 个邦國。 ⁸ 所有 tōa tī 地上 ê 人，見若創世以來名無記 tī 被殺害 ê 羊羔 ê 性命冊 ê，lóng ē 拜 hit 隻猛獸。

⁹ 見若有耳孔 ê 人 lóng tiòh 聽！

¹⁰ Hiahê 註定受掠 ê 人，lóng 一定 ē hō 人掠去；

hiahê 註定受殺害 ê 人，mā 一定 ē hō 刀 thâi 死。

因為 áne，所有 ê 聖徒 lóng tiòh 有耐心 kah 信心。

Tùi Lióktē Lâi ê Béngsiù

Tùi 陸地來 ê 猛獸

11 Góa koh khòaⁿkìⁿ lēnggōa chit chiah béngsiù tùi tēchiūⁿ khíⁿlái. I ū n̄ng ki chhinchhiūⁿ iūⁿ ê kak, m̄ koh kóngōe khiok chhinchhiūⁿ lēng. 12 I tī thâu chit chiah béngsiù bīnchēng, chiphēng thâu chit chiah béngsiù sōū ê koānpèng; i kiò tē kah tōa tī tēchiūⁿ ê lāng khì pài thâu chit chiah béngsiù, iā tòh sī hit chiah siū tiòh tìmiāsiōng koh tit tiòh i hó ê hit chiah béngsiù. 13 Chit tējī chiah béngsiù koh kiāⁿ tōa sīnjiah, sīmchì tī chēnglāng bīnchēng, hō hóe tùi thiⁿ kànglòh tēchiūⁿ. 14 I koh tit tiòh ínchún, thongkòe tī thâu chit chiah béngsiù bīnchēng sō kiāⁿ ê sīnjiah lâi bêhék tōa tī tēchiūⁿ ê lāng, hoanù in tiòh ká hit chiah bat tiòhsiong, khiok iáu oáh teh ê béngsiù chō ngósiōng. 15 I koh tit tiòh ínchún, ē tàng ēng oákhì pún jíp khì béngsiù ê ngósiōng, hō béngsiù ê ngósiōng ē kóngōe, jíchhiáⁿ ē tàng sathāi sō ū bô pài béngsiù ngósiōng ê lāng. 16 I koh kiôngpek chēnglāng, bôlūn tōasè chun pi, hógiah á sī sànychiah, chūiú ê á sī chò lôpók ê, lóng tiòh tī in ê chiàⁿ chhiú á sī thāuhiáh khap ìn chò kìhō. 17 Chitê kìhō tòh sī béngsiù ê miá, á sī tãipiáu i ê miá ê sòjī; kiannā bô kìhō ê, tòh bē tàng chò bébē.

18 Tī chia suiàu ū tìhūi. Chhongbēng ê lāng ē tàng sngchhut hit chiah béngsiù ê sòjī, inūi hitê sòjī tãipiáu chitê lāng. Hitê sòjī tòh sī lākphah lākchaplāk.

11 我 koh 看見另外一隻猛獸 tùi 地 chiūⁿ 起來。牠有兩支親像羊 ê 角，m̄ koh 講話卻親像龍。12 牠 tī 頭一隻猛獸面前，執行頭一隻猛獸所有 ê 權柄；牠叫地 kah tōa tī 地 chiūⁿ ê 人去拜頭一隻猛獸，也 tòh 是 hit 隻受 tiòh 致命傷 koh 得 tiòh 醫好 ê hit 隻猛獸。13 Chit 第二隻猛獸 koh 行大神跡，甚至 tī 眾人面前，hō 火 tùi 天降落地 chiūⁿ。14 牠 koh 得 tiòh 允准，通過 tī 頭一隻猛獸面前所行 ê 神跡，來迷惑 tōa tī 地 chiūⁿ ê 人，吩咐 in tiòh ká hit 隻 bat tiòh 傷，卻 iáu 活 teh ê 猛獸造偶像。15 牠 koh 得 tiòh 允准，ē tàng 用活氣 pún 入去猛獸 ê 偶像，hō 猛獸 ê 偶像 ē 講話，而且 ē tàng 殺害所有無拜猛獸偶像 ê 人。16 牠 koh 強迫眾人，無論大細尊卑，好額 á 是 sànychiah，自由 ê á 是做奴僕 ê，lóng tiòh tī in ê 正手 á 是頭額蓋印做記號。17 Chitê 記號 tòh 是猛獸 ê 名，á 是代表牠 ê 名 ê 數字；見若無記號 ê，tòh bē tàng 做買賣。

18 Tī chia 需要有智慧。聰明 ê 人 ē tàng 算出 hit 隻猛獸 ê 數字，因為 hitê 數字代表一个人。Hitê 數字 tòh 是六百六十六。